

四庫全書

史部

欽定四庫全書

唐六典卷十二

唐 張九齡等 撰

內官宮官內侍省

內官

惠妃一人

麗妃一人

華妃一人

淑儀一人

德儀一人

賢儀一人

順儀一人

婉儀一人

芳儀一人

美人四人

才人七人

宮官

尚宮二人

司記二人典記二人掌記二人女史六人
司言二人典言二人掌言二人女史四人
司簿二人典簿二人掌簿二人女史六人
司闈六人典闈六人掌闈六人女史四人
尚儀二人

司籍二人典籍二人掌籍二人女史十人
司樂四人典樂四人掌樂四人女史二人

司賓二人典賓二人掌賓二人女史二人
司贊二人典贊二人掌贊二人女史二人
彤史二人

尚服二人

司寶二人典寶二人掌寶二人女史四人
司衣二人典衣二人掌衣二人女史四人
司飾二人典飾二人掌飾二人女史二人
司仗二人典仗二人掌仗二人女史二人

尚食二人

司膳四人典膳四人掌膳四人女史四人

司醞二人典醞二人掌醞二人女史二人

司藥二人典藥二人掌藥二人女史四人

司饔二人典饔二人掌饔二人女史四人

尚寢二人

司設二人典設二人掌設二人女史四人

司輿二人典輿二人掌輿二人女史二人

司苑二人典苑二人掌苑二人女史二人
司燈二人典燈二人掌燈二人女史二人
尚功二人

司製二人典製二人掌製二人女史四人
司珍二人典珍二人掌珍二人女史六人
司綵二人典綵二人掌綵二人女史六人
司計二人典計二人掌計二人女史四人
宮正一人司正二人典正四人女史四人

內侍省

內侍四人

內常侍六人

內給事八人

主事二人

令史八人

書令史十六人

內謁者

監六人

內謁者十二人

內典引十八人

內寺伯二人

寺人六人

亭長六人

掌固八人

掖庭局

令二人

丞三人

書令史四人

書史八人

計史二人

宮教博士二人

監作四人

典事十人

掌固四人

宮闈局

令二人

丞二人

書令史三人

書史六人

內閣人二十人

內掌扇十六人

內給使無常員

掌固四人

奚官局

令二人

丞二人

書令史三人

書史六人

典事四人

掌固四人

內僕局

令二人

丞二人

書令史二人

書史四人

駕士一百四十人

典事八人

掌固八人

內府局

令二人

丞二人

書令史二人

書史四人

典事六人

掌固四人

內官

春秋左氏傳曰不腆先君之嫡以備內官又曰內官不及同姓杜預曰謂嬪御也周官有夫人嬪世

婦女御之位聽天下之內治漢晉以來雖有位號多不盡備隋氏法周官而悉置焉則列夫人嬪嬙好美人才人寶林御女采女等充百二十位宮中復有六尚以備衆職謂之宮官皇朝因之今上天德溥施猶防女寵故省內官將以垂範而六尚仍舊焉

妃三人正一品

周官三夫人之位也古者帝嘗立四妃蓋象后妃四星其一明者后也至舜不

立正妃蓋但三妃而已謂之三夫人自夏殷已降復有立者視三公位雖云古制數頗繁焉其餘沿革事不經見隋氏依周官立三夫人皇朝上法古制而立四妃其位貴妃也淑妃也德妃也賢妃也今上以為后妃四星其一后也既有后位復立四妃則失其所法象之意焉因省嬪婦女御之數改定三妃六儀美人才人四等共

二十人以備內官其位惠妃也麗妃也華妃也婦德婦容婦言婦功可以坐而論禮者則進無則闕焉

夫人佐后坐而論婦禮者也其於內則無所不統故不
以一務名焉

六儀六人正二品

周官九嬪之位也夏后氏三夫人增以三三而九列九嬪之位漢初無聞

至武帝始制婕妤嬪娥容華充衣數不至九其位在嬪後魏孝文改定內官隋氏因周官盡立其名秩皇朝初因之今上改制六儀之位以備其職焉

六儀掌教九御四德率其屬以贊導后之禮儀

一淑儀二德儀

三賢儀四順儀五婉儀六芳儀

美人四人正三品

周官二十七世婦之位也殷人因九嬪增以三九二十七列二十七世婦

之位其制增損累代不恒前漢十四等後漢貴人才人雖列位號不依世婦之職隋氏因周官制嬋妤等二十七人皇朝初因之今上改置美人之位以備其職焉

美人掌率女官修祭祀賓客之事

才人七人正四品

周官八十一女御之位也周人因二十七世婦增以三二十七列八十一

女御之位舊制沿革畧同於上注隋氏依周官制寶林御女采女等皇朝初因之今上改置才人之位以備其

職焉

才人掌序燕寢理絲枲以獻歲功焉

宮官

周禮宗伯世婦每宮卿二人下大夫四人中士八人女府二人女史二人鄭玄云世婦后宮官也王

后六宮女府女史女奴之有才智者魏畧魏明帝游宴在內選女子知書可付信者為女尚書省奏事晉令有崇德殿太監尚衣尚食太監並銀章艾綬二千石崇華殿太監元華食監都監上監銅印墨綬千石女史賢人蔡人中使大使碧綸綬宋明帝留心後房擬外百官備置其職兩齊梁陳不見後魏後周亦擬外官置內職隋文帝置六尚六司六典以掌宮官之職六尚視從九品六司視勳品六典視流外二品煬帝改置六尚局職掌畧同皆加其品秩一尚言局管司言掌宣傳啓奏司簿主名錄計度司正主格式推罰司聞主門閤管鑰二尚儀局管司籍主經史教學司樂掌音律司賓主賓客司贊主贊相導引三尚服局管司璽主琮璽符節司衣掌衣服司飾主湯沐巾櫛玩弄等物司仗主仗衛戎器四尚食局管司膳主膳羞司醢主酒醢醢醢司藥主醫巫

藥劑司膳主廩餼柴炭五尚寢局管司設主牀席帷帳
鋪設洒掃司與主興輦扇傘執持羽儀司苑主園圃種
植蔬菜瓜果司燈主燈火六尚工局管司製主營造栽
縫司寶主金玉錢貨司綵掌繒帛司織掌織染六尚十
二人從五品司二十八人從六品典二十八人從七品
掌二十八人從九品女史流外量事而置多者十人皇
朝內職多
依隋制

尚宮局

尚宮二人正五品

司記二人正六品典記二人正七品掌記二人正八品

司言二人正六品典言二人正七品掌言二人正八品

司言掌宣傳啓奏之事

凡言教處分承教人宣付司言連署案記別鈔一本付門司傳

出若外司附奏受事人奏聞承教處分傳付外司仍錄事目旨意亦連為案

司簿掌宮人名簿廩賜之事

司闡掌宮闡管鑰之事

尚儀局

尚儀二人正五品

司籍二人正六品典籍二人正七品掌籍二人正八品

司樂二人正六品典樂四人正七品掌樂四人正八品

司賓二人正六品典賓二人正七品掌賓二人正八品

司贊二人正六品典贊二人正七品掌贊二人正八品

彤史二人正六品

石氏星經女史一星婦人之微者周禮女史掌王后之禮職以詔后禮內

政統內官書內令后之事以禮從詩云靜女其嬈貽我彤管毛傳曰古者后夫人必有女史彤管之法后妃靡妾以禮御于君所女史書其日月授之環以進退之生于月辰以金環退之當御之者以銀環進之著于左手既御著于右手事無大小記以成法彤管以赤心正人也

尚儀掌禮儀起居總司籍司樂司賓司贊四司之官屬

司籍掌四部經籍教授筆札几案之事

司籍掌率樂人習樂陳縣拊擊進退之事

司賓掌賓客朝見宴會賞賜之事

司贊掌朝見宴會贊相之事

凡朝會司賓引客立于殿庭司言宣教賜坐司贊引

升就席酒至起再拜食至亦起

尚服局

尚服二人正五品

周禮內司服掌王后六服褱衣揄翟闕翟鞠衣展衣綠衣素沙司馬彪續

漢志皇后謁廟服紺上皂下緣青上綠下皆深衣制隱領袖緣以條結首飾步搖簪珥以黃金為山題貫白珠為桂枝相摻八爵九華熊虎赤羆大鹿群邪南山豐大特六獸諸爵獸皆翡翠為毛羽金題白珠璫繞以翡翠

司簿二人正六品典簿二人正七品掌簿二人正八品

司闈二人正六品典闈二人正七品掌闈二人正八品

尚宮掌導引中宮總司記司言司簿司闈四司之事屬

凡六尚事物出納文籍皆印署之

六尚須物外物之司受敕連署牒仍取上

宮押印司記錄目為鈔出付內侍省受牒便移外司其五尚之印唯於當司宮內行用不得印出外文牒

司記掌印凡宮內諸司簿書出入錄目審而付行焉典

記掌記佐之

餘司二佐並准此

女史掌執文書

餘女史准此

為華綬佩同乘輿槐晉宋齊梁陳畧同後魏北齊皇后
璽綬佩同乘輿假髻步搖十二蹲八爵九華助祭朝會
以裋衣郊禩以揄翟小宴以闕翟親蠶以鞠衣見皇帝
以展衣宴客以緣衣俱有蔽膝織成緹帶後周皇后衣
十二等翟衣六從祀郊禩享先皇服翟衣祭陰社朝命
婦服翟衣獻廟服鷩衣珠采服鵠衣聽女教服鵠衣歸
寧服雉衣以翟雉為領標臨婦學燕命婦瑤衣春齊祭
還青衣采還黃衣狄祭素衣冬玄衣取其縹領以相生
色華皆十二樹隋初皇后首飾花十二樹裋衣青沙內
單縹領羅縠襦蔽膝大帶以青衣革帶青鞵烏金飾
白玉佩玄組綬祭衣朝會則服鞠衣黃羅為之蔽膝大
帶緇革帶隨衣色餘同裋衣親蠶則青衣青羅為之制
同鞠衣去革大帶佩綬見帝則服朱衣緋羅為之制如
緣衣宴賓則服鳩帝令牛弘等制皇后服四等裋衣以
翟翟五絲重行十二等首飾花十三鈿小花旒十二樹
兩博鬢素衣內單縹領羅縠襦蔽膝皆以朱蔽膝隨裳色

以緞為緣用翟綬章大帶隨衣飾以朱綠之錦青綠革帶青機舄以金飾白玉佩玄組綬章緣尺寸同乘輿祭及朝則服鞠衣小花十二樹青衣朱服皆參准宋太始及梁陳故事增損用之皇朝因之

司寶二人正六品

凡太皇太后之寶皆以金為之並不
行用其應封令書皇太后用宮官印

皇后用內
侍省印焉

典寶二人正七品掌寶二人正八品

司衣二人正六品典衣二人正七品掌衣二人正八品

司飾二人正六品典飾二人正七品掌飾二人正八品

司仗二人正六品典仗二人正七品掌仗二人正八品

尚服掌供內服用朱章之數

凡皇后之衣服一曰褱衣二曰鞠衣三曰禮衣首飾

花十二樹小花如大花之數并兩博髻褱衣深青織成
為之文為鞞雉之形素質不色十二等素沙中單黼領
羅縠褱襟皆用朱色蔽膝隨裳色以緞為領緣用翟為
章三等大帶隨衣色朱裏紕其外上以朱錦下以綠錦
組絢用青組以青衣革帶青鞞又加金飾白玉雙佩
玄組雙大綬章米尺寸與乘輿同受冊助祭朝會則服
之鞠衣黃羅為之其蔽膝大帶及衣革帶鞞隨衣色
餘與褱衣同唯無翟親蠶則服之而鈿釵禮衣十二鈿
服通用雜色制與上同雙佩小綬去舄加履宴見賓客
則服之內命婦之服花釵施兩博髻寶鈿飾翟衣青質
羅為之紡為翟編次於衣及裳重為九等而下第一品
花釵九樹寶鈿准花數下准此翟九等第二品花釵八
樹翟八等第三品花釵七樹翟七等第四品花釵六樹
翟六等第五品花釵五樹翟五等並素沙中單黼領朱

標襖亦通用羅縠蔽膝隨裳色以緋為領緣加以文綉重翟為章二等一品已下皆同大帶組其外上以朱錦下以綠錦組絢用青組以青衣草帶青鞵烏佩綬內命婦受冊從蚕朝會則服之鈿釵禮衣通用雜色制與上同加雙佩小綬絢履第一品九鈿第二品八鈿第三品七鈿第四品六鈿第五品五鈿內命婦常參見則服之凡六尚寶林御女采女及女官之服禮衣通用雜色制與上同唯無首飾綬七品已上有大事則服之尋常供奉則公服去中單蔽膝大帶九品以上大事及尋常供奉並公服東宮准此女史則半袖裙襦

總司寶

司衣司飾司仗四司之官屬

司寶掌琮寶符契圖籍

凡神寶受命寶銅魚符及契四方傳符皆識其行用之別安置

具立文簿外司請用執仗奏聞同檢出付仍錄案記符還朱書記之

司衣掌衣服首飾

司飾掌膏沐巾櫛玩弄器物之事

司仗掌羽儀仗衛之事

尚食局

尚食二人正五品

司膳四人正六品典膳四人正七品掌膳四人正八品

司醞二人正六品典醞二人正七品掌醞二人正八品

司藥二人正六品典藥二人正七品掌藥二人正八品

司饔二人正六品典饔二人正七品掌饔二人正八品
尚食掌供膳羞品齊之數總司膳司醢司藥司饔司
之官屬凡進食先嘗之

司膳掌割烹煎和之事

司醢掌酒醴醢飲之事

司藥掌醫方藥物之事

司饔掌給宮人廩餼

闕

薪炭之事

尚寢局

尚寢二人正五品

周禮女御掌御
叙王之燕寢

司設二人正六品典設二人正七品掌設二人正八品

司輿二人正六品典輿二人正七品掌輿二人正八品

司苑二人正六品典苑二人正七品掌苑二人正八品

司燈二人正六品典燈二人正七品掌燈二人正八品

尚寢掌燕寢進御之次叙總司設司輿司苑司燈四司

之官屬

司設掌帷帳茵席灑掃張設之事

司輿掌輿輦繖扇羽儀之事

司苑掌園苑種植蔬果之事

司燈掌燈燭膏火之事

尚功局

尚功二人正五品

司製二人正六品典製二人正七品掌製二人正八品

司珍二人正六品典珍二人正七品掌珍二人正八品

司綵二人正六品典綵二人正七品掌綵二人正八品

司計二人正六品典計二人正七品掌計二人正八品
尚功掌女工之程課總司製司珍司綵司計四司之官
屬

司製掌衣服裁製縫線之事

司珍掌金玉寶貨之事

司綵掌綵物繒錦絲枲之事

司計掌支度衣服飲食薪炭之事

宮正一人正五品司正四人正六品典正四人正七品

宮正掌戒令糾禁謫罰之事

凡宮人已上有不供職事違犯法式司正已下起牒

取宮正裁事小局司決罰事大錄狀奏聞

司正典正佐之

內侍四人從四品上

石氏星經宦者四星在帝座西周禮有內小臣闡人寺人鄭玄云今

謂之宦人詩有巷伯寺人孟子之作春秋時皆謂之寺人戰國趙有宦者令繆賢漢書百官表云少府秦官屬官有中書謁者等令丞諸僕射署官皆屬焉又云詹事掌皇后太子家屬官有中長秋私府諸宦官皆屬焉成帝省併屬大長秋又曰將行秦官景帝更名大長秋或用中人或用士人秩二千石後漢常用宦者掌奉宣中宮命凡給賜宗親及謁見闕通之出則從屬官有丞中宮僕謁者私府署令又少府屬官有中常侍書室玉堂

等署長冗從僕射掖庭永巷御府祠祀鉤盾等令暴室永安丞皆宦者又太后所居宮卿少府職如長秋位在
同九卿上魏改在九卿下晉大長秋卿有后則置無后則省宋齊因之梁大長秋主諸宦者以司宮闈之職統
中署美官暴室華林等署陳氏亦同後魏有大長秋又置內侍長四人掌顧問拾遺應對北齊中侍中有中
侍中二人中常侍四人掌出入門閤長秋寺掌諸宮閤卿中尹各一人領掖庭晉陽中山宮中宮僕美官等令
後周六官有司內上士又小司內中士巷伯中士等官隋內侍省置內侍二人內常侍二人內侍則舊長秋內
常侍則舊中常侍也煬帝大業三年改內侍省為長秋監置令一人正四品少令一人從五品丞二人正七品
並用士人罷內親者員省內僕內謁者局所領惟掖庭宮闈美官三署而已亦參用士人大業五年又置謁者
員皇朝依開皇復為內侍省置內侍二人今加至四人龍朔二年改為內侍監咸亨元年復舊光宅元年改為

司宮臺神龍元年復為內侍中官之責極于此矣
若有殊勳懋績則有拜大將軍者仍兼內侍焉

內常侍六人正五品下

秦有中常侍漢因之銀璫左貂給事殿省秩千石並用士人後

漢悉用宦官掌侍左右入內宮贊導內外事永平中始置員數中常侍四人和帝幼冲實憲執政鈞盾令鄭眾等專謀禁中遂收憲印綬起遷大長秋封鄴鄉侯由是宦官用事其員稍增中常侍至十人改為金璫左貂鄧后臨朝委用漸大兼領卿署非復掖庭永巷之職順帝已下迭居端要獻帝未有董卓之難自是諸官署悉用士人焉後魏有中謁者僕射等官員至太武帝時有宦人宗愛文明馮后時宦官用事而大者令僕小者卿守趙默為選曹尚書張佑封異姓王北齊中侍中省有中常侍二人掌出入門禁隋內侍省內常侍二人煬帝改為內承奉正五品
皇朝復為內常侍

內侍之職掌在內侍奉出入宮掖宣傳制令總掖庭宮
闈奚官內僕內府五局之官屬內常侍為之貳凡季春

吉日皇后親蠶於公桑享先蠶於北郊則升壇執儀

周禮

內宰云仲春詔王后帥內外命婦始蠶於北郊以為祭服續漢志三月皇后帥公卿列侯夫人親蠶祀先蚕于東郊魏遵周禮蠶于北郊晉武楊皇后蠶于西郊依漢故事東晉闕宋孝武大明四年於臺城西白石里為西蠶設兆域置殿七門及蠶觀歷齊梁陳並有其禮後魏無間北齊置蠶功於城北後周皇后乘翠輅帥三妃等至蠶所以少牢親祭進奠先蠶西陵氏隋於宮北三里為壇高四尺季春上巳皇后服鞠衣乘重翟帥三夫人九嬪內外命婦以太牢制幣祭先蠶於壇上用一獻祭訖親系位於壇東面尚功進金鉤典製奉匱皇后採三

條反鉤命婦各依班採五條九條而止世婦於
蠶母受功桑灑訖皇后乃還皇朝因用其禮

凡中宮

大駕出入則為之夾引馬

大駕內謁者四人內給事二人內常侍二人內侍二人並

騎分左右內寺伯一人領
寺人六人分夾重翟車

內給事八人從五品下

周禮有內小臣之職掌王后之
命后出入則前驅后有好事於

四方則使往有好令於公卿大夫則亦如之後漢少府
有給事黃門六百石常侍左右止在內宮門通中外及
中宮已下衆事自魏晉至宋梁陳無其職後魏有中給
事中太和二十二年改為中給事北齊中侍中省有中
給事中四人煬帝改為內承
直從五品皇朝復為內給事

主事二人從九品下

隋內侍省主事二人開皇十六年
加置內侍主事二十員以承門閤

皇朝置二人掌付
事勾稽省鈔也

內給事掌判省事凡元正冬至羣官朝賀中宮則出入
宣傳凡宮人之衣服費用則具其品秩計其多少春秋

二時宣送中書

若有府藏物所造者每月中門司以其
出入歷為二簿間奏一簿留內一簿出

付尚書北
部勾之

內謁者監六人正六品下

內謁者十二人從八品下

後漢大長秋屬官有中宮謁
者三人四百石主報中章後

魏北齊有中謁者僕射隋內侍省有內謁者監六人內
謁者十二人煬帝三年罷內謁者五年又置皇朝因之

內典引十八人

皇朝置流外

內寺伯二人正七品下

周禮寺人掌王之內人及女官之戒令禁令隋內侍省有內寺

伯二人皇朝因之

寺人六人

隋置皇朝因之流外掌中宮駕出入則執御刀

內謁者監掌內宣傳凡諸親命婦朝會所司籍其人數

送內侍省

命婦下車則引入朝堂然後奏聞

內謁者掌諸親命婦朝集班位

內典引掌命婦朝參出入監引之事

內寺伯掌糾察諸不法之事歲大儺則監其出入

掖庭局

令二人從七品下

詩之巷伯也至秦為永巷漢武帝更名掖庭有令丞後漢掖庭令一人六

百石左右丞從丞各一人掌後宮貴人衆采女事魏晉並有掖庭令黃門令而非宦者後魏有掖庭監北齊長秋寺統掖庭署令丞隋內侍省統掖庭令丞各二人皇朝因之

丞三人從八品下

漢掖庭有左右丞北齊有掖庭丞隋有掖庭丞三人皇朝因之

計史二人

掌料功程事

宮教博士二人從九品下

北齊掖庭中山晉陽署各有宮教博士二人隋掖庭有宮

欽定四庫全書

卷十二

教博士十三人
皇朝置二人

監作四人從九品下

皇朝置監宮
中雜作之事

典事十人

皇朝置
添外

掖庭局令掌宮禁女工之事凡宮人名籍司其除附功

桑養蠶會其課業

丞掌判局事

計史掌料功程

博士掌教習宮人書筭衆藝

監作掌監當雜作 典事典諸工役

宮闈局

令二人從七品下

周禮有闈人王宮每門四人掌王宮中門之禁凡內外命婦出入則為之

辟隋置皇朝因之

丞二人從八品下

隋置皇朝因之

內閣人二十人

周禮有闈人之職皇朝因而置之

內掌扇十六人

皇朝置之

內給使無常員

齊職有散給使五十人皇朝因之

宮闈令掌侍奉宮闈出入管鑰凡大享太廟帥其屬詣于室出皇后神主置於輿而登座馬既事納之凡宦人無官品者稱內給使

親王府名散使

若有官及經解免應叙選

者得令長上其小給使學生五十人

其博士取八品已上散官有藝業者

克皆總其名籍以給其糧廩

丞掌判局事

內閣人掌承傳諸門管籥

內掌扇掌中宮繖扇

內給使掌諸門進物出物之歷

奚官局

令二人正八品下

周禮酒人漿人鬻人醢人醢人鹽人
冪人女祝內司服縫人守祧並奄官

所職也皆有女奴奚隸焉鄭玄云古者男女沒入縣官
皆曰奴少有才知以為奚今之侍史官婢或曰奚女官
也漢暴室丞主中婦人疾病者就此室其皇后貴人有
罪亦如之梁陳大長秋寺統奚官署北齊大長秋寺統
奚官署令丞隋內侍省統
奚官局令丞皇朝因之

丞二人正九品下

隋置皇
朝因之

典事四人

皇朝
因之

奚官局令掌奚隸二役宮官品命丞為之貳凡宮人有疾病則供其醫藥死則給其衣服各視其品命仍於隨近寺觀為之修福雖無品亦如之凡內命婦五品已上亡無親戚於墓側三年內取同姓中男一人以時主祭無同姓則所司春秋以一少牢祭焉

內僕局

令二人正八品下

後漢大長秋屬官有中宮僕一人千石主馭北齊長秋寺統中宮僕署令

丞隋內侍省統內僕局令丞煬帝大業三年廢內僕局皇朝復置

丞二人正九品下

隋置三人皇朝置二人

駕士一百四十人

皇朝置之

典事八人

皇朝置之

內僕令掌中宮車乘出入導引丞為之貳凡中宮有出

入則令居左丞居右而夾引之凡皇后之車有六一曰

重翟受冊從祀享廟則供之

青質金飾諸末朱輪金根朱牙其箱飾以重翟羽青

油通憶青油燠朱裏朱絲絡網綉紫絡帶綉紫帷八鸞在衡鏤錫聲纓十有二就金鏤方鉞插翟尾朱總駕蒼

龍皆隋所制皇朝因之

二曰厭翟公桑則供之

赤質金飾諸末輪畫朱牙其箱飾以

次翟羽輦油通懣紫油燠朱裏朱絲絡網紅錦絡帶紅錦帷餘如重翟駕赤駟內命婦一品以下以次乘之

三曰翟車歸寧則供之

黃質金飾諸末輪畫朱牙其車懣以翟羽黃油通懣黃油燠黃

表白紅錦絡帶白

如重翟駕黃駟

輦纓之色皆從車質也

帷朱絲絡網餘

四曰安車臨

幸則供之

赤質金飾紫油通懣紫油燠朱裏錦帷錦絡帶朱絲絡網駕四馬

五曰四望

車拜陵臨弔則供之

朱質青油通懣青油燠朱裏織成惟錦絡帶朱絲絡網駕赤駟六

曰金根車常行則供之

朱質青油通懣紫油燠朱裏織成惟錦絡帶朱絲絡網周禮王

后五輅一重翟二厭翟三安車四翟車五輦車司馬虎續漢志皇后法駕御重翟金根車交絡帷裳非法駕乘紫蜀輅車雲虞畫輅黃金塗駕三馬貴人油畫輅車親因之晉輿服志皇后法駕乘重翟羽蓋金根車駕青駟

青帷裳雲虞畫轡常乘畫輪車先蚕乘油蓋畫雲母車
駕六驪馬油畫兩轅安車為副金簿石山駢車紫絳罽
駢車為副晉令三貴人曲蓋九嬪直蓋皆信幡宋齊梁
陳畧同後魏皇后從祭御金根車親乘御雲母車駕四
馬歸寧御紫罽車游行御安車弔問御紺罽車駕三
馬內命婦一品乘油色朱絡網車朱飾用金塗及純銀
二品三品乘卷通憶車四品乘備憶車比齊因之後周
皇后車十二等重翟以從祀享厭翟以祭陰社翟輅以
採桑翠輅以從見賓客雕輅以歸寧翟輅以臨道法門
皆錫面朱總金鈎蒼輅青輅朱輅黃輅白玄等輅五時
出入則供之制同皇帝三妃之輅九翟輅朱輅黃玄白
等輅皆勒面績總夏翟夏縵墨車棧車輅車皆雕面鷖
總三妃自朱輅而下六嬪自黃輅而下
上媛自玄輅而下下媛自夏翟而下也

典事掌檢校車乘

駕士掌調習馬兼知內御車輿雜畜

內府局

令二人正八品下


漢少府屬官有內者令丞後漢長秋屬官有中宮私府令主中藏幣帛諸

總裁衣被補浣皆主之後魏有內者令北齊中侍中省有內者丞一人隋內侍省統內者局丞各二人皇朝改置內府令丞

丞二人正九品

內府令掌中宮藏寶貨給納名數丞為之貳凡朝會五品已上賜絹及雜綵金銀器於殿庭者並供之諸將有

功并蕃酋辭還賜亦如之



唐六典卷十二

欽定四庫全書

史部

唐六典卷十三
四

詳校官監察御史_臣劉芬

編修_臣程嘉謨覆勛

總校官庶吉士_臣倉聖脉

校對官檢討_臣龔大萬

謄錄監生_臣張子誠

欽定四庫全書

唐六典卷十三

唐

張九齡等撰

御史臺

御史臺

大夫一人

中丞二人

侍御史四人

主簿一人

錄事二人

令史十五人

書令史二十五人

亭長六人

掌固十二人

殿中侍御史六人

令史八人

書令史十人

監察御史十人

令史三十四人

御史大夫一人從三品

漢書云御史大夫秦官位上卿銀印青綬掌副丞相成帝綬和

元年更名大司空哀帝建平二年復為御史大夫元壽二年復為大司空歷後漢遂為三公之官獻帝建安十三年又置御史大夫魏黃初二年又省歷晉宋齊梁陳後魏北齊後周並不置大夫而以中丞為臺主隋諱忠依秦漢置御史大夫從三品大業八年降為正四品皇朝又為從三品龍朔二年改為大司憲咸亨元年復故御史臺漢名御史府後漢曰憲臺時以尚書為中臺謁者為外臺謂之三臺魏晉宋齊曰蘭臺梁陳後魏北齊隋皆曰御史臺皇朝因之龍朔二年更名憲臺咸亨元年復故光宅元年改曰左肅政臺尋知在京百司更置

右肅政臺專知按察諸州加右臺大夫一人神龍元年改為左右御史臺猶置二大夫延和元年廢右臺先天二年二月復置十月又廢而大夫隨臺廢置

中丞二人正五品

漢百官表御史大夫有兩丞秩二千石一曰中丞謂之中者以其列在殿

中掌蘭臺秘書外督部刺史內領侍御史受公卿奏事舉劾按章及置司隸校尉以御史中丞督司隸司直司隸司直督刺史刺史督二千石下至墨綬成帝綬和元年改為大司空哀帝建平二年改大司空復為御史大夫元壽二年復為大司空而中丞出外為臺主更名御史長史後漢復曰中丞時宣秉拜御史中丞光武詔與司隸校尉尚書令三官各專席而坐京師號為三獨坐魏黃初改中丞為宮正魏鮑勳以宮正忤旨左遷持書執法後為中丞及歷晉宋齊梁陳並以中丞為臺主品第四梁制十八班中丞班第十一後魏改中丞曰中尉

正三品太和二十三年為從三品北齊復曰中丞從三品後周秋官置司憲中大夫二人掌丞司冠之法以左右刑罰蓋比御史中丞之職也隋省中丞官置御史大夫為臺主以待書侍御史二人代中丞之任持書侍御史者本漢宣帝元鳳中因路溫舒上書宜尚德緩刑帝深采覽之季秋請減時帝幸宣室齋居而決事令侍御史二人持書故曰持書侍御史歷代品秩並同御史惟北齊為從五品隋室因之大業六年加正五品八年又改為從五品皇朝因之貞觀中避高宗諱省持書侍御史依前代置御史中丞龍朔二年改曰司憲大夫咸亨元年復故自漢以來御史中丞皆一人隋持書侍御史二人皇朝因之

御史大夫之職掌邦國刑憲典章之政令以肅正朝列

中丞為之貳

其百寮有姦非隱伏得專推劾若中書門下五品已上尚書省四品已上諸司三品

已上則書而進之
并送中書門下

凡天下之人有稱冤而無告者與三

司詰之

三司御史大夫中書門下大事奏裁小事專達

凡中外百僚之事應彈

劾者御史言於大夫大事則方幅奏彈小事則署名而

已

舊彈奏皇帝視事日御史奏之自景龍三年以來皆先進狀聽進止許則奏之不許則止

若有制

使覆囚徒則刑部尚書參擇之凡國有大禮則乘輅車

以為之導

駕車京都大夫從行則令中丞一人留在臺并殿中侍御史一人若別敕留守不在此限

侍御史四人從六品下

周官宗伯屬官御史掌邦國都鄙及萬民之治令以贊冢宰凡

治之者受法令焉以其在殿柱之間亦謂之柱下史秦改為侍御史史記張蒼自秦時為御史主柱下方書即

其任也冠法冠一名柱後惠文冠以鐵為柱言其審固
不撓也法冠者秦事云始皇滅楚以其居冠賜御史亦
名獬豸冠以獬豸獸主觸不直故執憲者以為冠漢因
秦置侍御史秩六百石員十五人惠帝三年相國奏遣
御史監三輔不法事有辭訟者盜賊者鑄偽錢者獄不
直者繇賦不平者吏不廉者吏苛刻者踰侈及弩力十
石以上者作非所當服者凡九條監者每二歲一更常
十一月奏事三月還監馬侍御史有綉衣直指出討姦
猾治大獄武帝制不常置後漢皆公府掾屬高第者為
之所掌有五曹曰令曹掌律令印曹掌刻印供曹掌齋
祠之事尉馬曹掌廐馬之事東曹掌護駕魏置八人品
第六所掌凡八部有持書曹課第曹其餘則史閣云晉
置九人所掌有十三曹曰吏曹課第曹直事曹印曹中
都督曹外都督曹媒曹符節曹水曹中壘曹營軍曹法
曹筭曹東晉初省課第曹置庫曹後又分庫曹為外右
庫曹內左庫曹馬宋置十人元嘉中省二庫曹直云左

庫大明中復置二庫景和初復省之昇明初省營軍曹併入水曹省筭曹併入法曹而吏曹罷御史掌之齊置十人梁陳皆九人後魏八人初從五品太和末為正八品下北齊置八人從七品下後魏北齊尤重御史選御史必答策高第始補之並分掌諸曹內外督令史以下後周秋官有司憲中士隋置八人從七品下煬帝三年改為正七品皇朝置四人加品從六品下又置內供奉員不過本數其遷改與正官資望亦齊舊制庶僕五分減一及崔隱甫為大夫奏供奉裏行並同正給案令隔品致敬比者因循侍御史已下皆與大夫抗禮開元十八年敕重申明猶未之改李適之為大夫皆受拜時議是之

侍御史掌糾舉百僚推鞠獄訟其職有六一曰奏彈二

曰三司三曰西推四曰東推五曰賊贖六曰理匭

侍御史年

深者一人判臺事知公廨雜事等次知西推賊贖三司
受事監奏次知東推理匭之事臺中有黃卷不糾舉所
職則罰之其新除者未曉制度罰有日逾萬錢者舊例
新人罰止於四萬及崔隱甫為大夫以其數太廣減之
以萬二千為限三院各有
凡有制敕付臺推者則按其
院長議罰則詢於雜端也

實狀以奏若尋常之獄推訖斷于大理

舊臺中無獄未嘗禁人有須留

問寄禁大理李乾祐為大夫奏請於臺置獄雖則按問
為便而增鞠獄之弊至開元十四年御史大夫崔隱甫
奏罷之須留問者
依前寄禁大理凡事非大夫中丞所劾而合彈奏者

則具其事為狀大夫中丞押奏大事則冠法冠衣朱衣

纁裳白紗中單以彈之小事常服而已

法冠一名豸冠
一角為解豸之

形取觸邪之義也

凡三司理事則與給事中中書舍人更直於

朝堂受表

三司更直每日一司止受兩司副押更遞如此其鞠聽亦同

若三司所按

而非其長官則與刑部郎中員外郎大理司直評事往

訊之

除三司受事及推按外每日侍御史一人承制諸奏事者並監而進退之若所論繁細不宜奏陳則

隨事奏而罷之

主簿一人從七品下

漢書張忠為御史大夫署孫寶為主簿魏晉已下無間隋煬帝大業

三年始置御史臺主簿二員皇朝省一員

錄事二人從九品下

主簿掌印及受事發辰句檢稽失

兼知府廚及黃卷

殿中侍御史六人從七品上

魏氏御史二人居殿中察非法故曰殿中侍御史晉

置四人東晉省二人梁陳史不載其品秩後魏初從五品太和末為從八品上北齊置十二人正八品隋開皇初改為殿中侍御史置十二人正八品下煬帝三年省武德五年置四人正八品上貞觀二十三年加員品

監察御史十人正八品上

監察御史蓋取秦監郡御史以名官晉書云孝武太元中

創置檢校御史而吳混之為之沈約宋書云古司隸校尉知行馬外事晉江左罷司隸置檢校御史專掌行馬外事是也歷宋齊梁陳無聞其職後魏太和末復置檢校御史正九品上北齊置檢校御史十二人從八品上後周秋官府有司憲旅下士八人隋初改為監察御史置十二人從八品上煬帝大業三年加正八品增置十

六人大業八年加從七品後又置御史一百員從九品尋省之蓋更卑於監察矣武德初監察御史置八人貞觀二十二年加監察二人其外又置監察御史裏行其始自馬周以布衣太宗令於監察御史裏行自此便置裏行之名

殿中侍御史掌殿廷供奉之儀式

每朝與侍御史隨仗入位在中丞下給事

中書舍人後

凡冬至元正大朝會則具服升殿若皇帝郊祀

巡省

謂大駕與鹵簿

則具服從旌門往來檢察視其文物之有

虧闕則糾之

非大備則常服

凡兩京城內則分知左右巡各察

其所巡之內有不法之事

謂左降流移傳匿不去及妖訛宿宵蒲博盜竊獄訟冤濫

諸州網典貿易隱盜賊飲不如法式諸此之類咸舉按而奏之若不能糾察及故縱蔽匿則量其輕重而坐所由御史

監察御史掌分察百僚巡按郡縣糾視刑獄肅整朝儀

朝廷有不肅敬御史則糾而劾之每二人五日分知東西朝堂舊例監察正門無籍非因奏事不得入至殿廷開元七年三月敕並令隨仗而入不得供奉位在尚書員外郎後十道巡按則選判官二人以為之佐如本道務繁得量差官人歷凡將帥戰伐大克殺獲數其俘馘官清幹者號為支使

審其功賞辨其真偽若諸道屯田及鑄錢其審功糾過亦如之凡嶺南及黔府選補亦令一人監其得失凡決

囚徒則與中書舍人金吾將軍監之

若京都忌齋則與殿中侍御史分察

寺觀七品已上清官皆預行香不到則牒送法司

若在京都則分察尚書六司

糾其過失及知太府司農出納凡冬至祀圜丘夏至祭

方丘孟春祈穀季春祀明堂孟冬祭神州五郊迎氣及

享太廟則二人共監之若朝日夕月及祭社稷孔宣父

齊太公蜡百神則一人率其官屬閱其牲牢省其器服

辨其輕重有不修不敬則劾之凡尚書省有會議亦監

其過謬

尚書省諸司七品已上官會議皆先牒報臺亦一人往監若據狀有違及不委議意而署名者

糾彈之凡有敕令一御史往監即監察受命而行自監察御史已上每日一人於本司當門直以檢察臺中出入及令史領詞訟過大夫之事若緣詞訟事須推勘者大夫便委門直御史以推之凡百官燕會

習射亦如之

唐六典卷十三

欽定四庫全書

唐六典卷十四

唐 張九齡等 撰

太常寺

太常寺

卿一人

少卿二人

丞二人

主簿二人

錄事二人

府十二人

史二十三人

博士四人

謁者十人

贊引二十人

太祝三人

祝史六人

奉禮郎二人

贊者十六人

協律郎二人

亭長八人

掌固十二人

太廟齋郎京都各一百三十人

太廟門僕京都各三十二人

兩京郊社署

令各一人

丞一人

府二人

史四人

典事三人

掌固五人

門僕八人

齋郎一百一十人

諸陵署

令各一人

丞一人

錄事一人

府二人

史四人

主衣四人

主筆四人

主藥四人

典事三人

掌固二人

陵戶

永康興寧二陵署

令各一人

丞一人

録事一人

府一人

史二人

典事二人

掌固二人

陵戶各二千一百人

諸太子陵署

令各一人

丞一人

錄事一人

府一人

史二人

典事二人

掌固一人

陵戶各三十人

諸太子廟署

令各一人

丞一人

錄事一人

府一人

史二人

典事二人

掌固一人

太樂署

令一人

丞一人

府三人

史六人

樂正八人

典事八人

掌固六人

文武二舞郎一百四十人

鼓吹署

令一人

丞一人

府三人

史六人

樂正四人

典事四人

掌固四人

太醫署

令二人

丞二人

府二人

史四人

主藥八人

藥童二十四人

醫監四人

醫正八人

藥園師二人

藥園生八人

掌固四人

醫博士一人

醫助教一人

醫師二十人

醫工一百人

醫生四十人

典學二人

鍼博士一人

鍼助教一人

鍼師十人

鍼工二十人

鍼生二十人

按摩博士一人

按摩師四人

按摩工十六人

按摩生十六人

呪禁博士一人

呪禁師二人

呪禁工八人

呪禁生十人

太卜署

令一人

丞二人

府一人

史二人

卜正二人

卜師二十人

巫師十五人

卜博士二人

助教二人

卜筮生四十五人

掌固二人

廩犧署

令一人

丞一人

府一人

史二人

典事二人

掌固二人

汾祠署

令一人

丞一人

府二人

史四人

兩京齊太公廟署

令各一人

丞一人

錄事一人

府二人

史四人

廟幹二人

掌固四人

門僕八人

太常寺卿一人正三品

唐虞之時伯夷作秩宗典三禮
魯夔典樂以教胄子周官大司

伯卿一人掌建邦天神人鬼地祇之禮秦曰奉常與宗廟禮儀至漢高祖名曰太常惠帝復曰奉常景帝又曰太常漢制以列侯忠孝敬慎者居之秩中二千石王莽改曰秩宗後漢太常掌禮儀祭祀及行事掌贊天子大射養老大喪皆奏其禮儀每月朔晦察行陵廟并選試博士奏其能否魏因之晉太常置功曹主簿五官等員品第三銀章青綬進賢兩梁冠五時朝服佩水蒼玉宋太常用尚書亦轉為尚書加選選曹尚書領護等齊因之梁天監七年象四時置十二卿太常宗正司農為春卿太常位視金紫光祿大夫班第十四陳因梁後魏太常與光祿勳衛尉為三上卿位從一品下北齊太常卿掌陵廟羣祀儀制天文術數衣冠之屬太常卿第三品後周為宗伯隋太常寺卿一人正三品皇朝因之龍朔二年改為奉常咸亨元年復舊光宅元年改為司禮神龍元年復故

少卿二人正四品上

周禮有小宗伯中大夫二人秦漢無閭後魏太和十五年初置少卿

官太常少卿一人第三品上至二十二年降為正四品上北齊因之後周為小宗伯隋太常寺置少卿一人正四品上煬帝即位加置二人降為從四品皇朝武德中置一人貞觀中加置二人龍朔咸亨光宅神龍並隨寺改復

太常卿之職掌邦國禮樂郊廟社稷之事以八署分而

理焉一曰郊社二曰太廟

開元二十四年敕廢太廟署令少卿一人知太廟事

三

曰諸陵四曰太樂五曰鼓吹六曰太醫七曰太卜八曰

廩犧總其官屬行其政令少卿為之貳凡國有大禮則

贊相禮儀有司攝事則為之亞獻率太樂之官屬設樂
縣以供其事燕會亦如之若三公行園陵則為之副公
服乘輅備鹵簿而奉其禮若大祭祀則先省其牲器凡
太卜占國之大事及祭祀卜日皆往蒞之於太廟南門
之外中祀已上則太常卿蒞卜若小祀及非大祀則太卜令蒞卜也凡大駕巡幸出師
克獲皆擇日告于太廟太廟有修造亦如之凡仲春薦冰及四時
品物甘滋新成者皆薦焉凡有事於宗廟少卿率太祝
齋郎入薦香燭整拂神幄出入神主將享則與良醢令

實尊罍凡備大享之器服有四院各以其物而分貯焉

一曰天府院藏瑞應及伐國所獲之寶帑袷則陳之於廟庭二曰御衣院藏乘輿之祭服三曰樂縣院主藏六樂之器物四曰神厨院主藏御廩及諸器物

丞二人從五品上

秦有奉常丞漢因之比千石魏晉宋置一人宋百官春秋太常丞視尚書

郎銅印黃綬一梁冠品第七掌舉陵廟非法齊因之梁班第五梁選部太常丞舊用員外郎遷尚書郎天監七年改視尚書郎陳因之後魏太常丞五品下太和二十二年降為七品上北齊從六品下隋太常丞二人從六品下大業三年增為五品皇朝因之

主簿二人從七品上

漢官儀鹵簿篇太常駕四馬主簿前車八乘有鈴下侍閤辟車騎吏

五伯等員梁天監七年十二卿各置主簿一人遷為五官功曹又位不登十八班者別為七班太常主簿班第四梁選太常主簿視二衛主簿陳因之後魏不見北齊太常寺有功曹五官主簿等隋太業中主簿二人武德中正八品上貞觀中從七品上

錄事二人從九品上

晉令太常置主簿錄事北齊亦置之隋增置二人皇朝因之

丞掌判寺事凡大享太廟則修七祀於太廟西門之內若祫享則兼修配享功臣之禮

主簿掌印勾檢稽失省署鈔目

錄事掌受事發辰

太常博士四人從七品上

漢書百官表云博士秦官掌通古今秩比六百石員多至

數十人高祖時叔孫通始為博士定禮制後漢置十四人魏因之晉中興書博士之職端委佩玉朝之大典必詢度焉當道正詞克厭人望然後為可齊宋太常府有博士亦謂之太學博士梁陳亦兼統國學博士後魏太常博士從七品下北齊置四人品同魏隋因之置謁者三十人贊引六十人皇朝武德中置博士二員正八品上貞觀中加其員品減謁者置十人贊引二十二人

謁者十人

秦漢有謁者即今通事舍人隋太常寺有謁者三十人皇朝減置十人

贊引二十人

隋太常寺有贊引六十人貞觀中省置二十人

太常博士掌辨五禮之儀式奉先王之法制適變隨時

而損益焉凡大祭祀及有大禮則與太常卿以導贊其

儀凡王公已上擬謚皆跡其功德而為之褒貶

議謚職事官三

品已上散官二品已上佐史錄行狀申考功勘校下太常擬謚訖申省議定奏聞

無爵稱子

沈約

謚法云晉大興三年始詔無爵謚皆稱子也

養德丘園聲實明著則謚曰先

生大行則大名小行則小名之

舊有周官謚法大戴禮謚法又漢劉熙注謚法

一卷晉張靖撰謚法兩卷又有廣謚一卷至梁沈約總集謚法凡有一百六十五卷

若大祭祀卿

省其牲器謁者為之導若小祀及公卿大夫有嘉禮亦

命謁者以贊相焉

太祝三人正九品上

禮記曰天子建天官先六太則有太祝之置此夏殷之制也周禮太

祝下大夫二人上士四人掌六祝之詞順祝年祝令祝化祝瑞祝策祝以事鬼神祈福祥也秦漢奉常屬官有太祝令丞後漢太祝令一人六百石丞二人晉宋皆有太祝令丞齊職儀太祝令品第七四百石銅印墨綬進賢一梁冠絳朝服用三品勳位梁選部太祝令與二廟令品秩同陳氏因之後魏太祝令從五品中太和二十年改為正九品上北齊太常寺置太祝令丞後周太祖下大夫一人隋太祝署令一人丞一人太祝八人祝史十六人煬帝廢太祝署以太祝屬寺後又增為十人皇朝減置七人後又增置九人開元二十三年減六人祝史減七人

祝史六人

晉太祝令史三十人後魏祝史從七品中隋置十六人皇朝武德中置十二人今減六人

奉禮郎二人從九品上

漢大鴻臚有治禮郎三十七人
晉太常諸博士有治禮史二十

四人大行令有治禮郎四人後魏治禮郎從六品下太和二十二年改為從九品下北齊司儀置奉禮郎三十人後周治禮中士一人下士一人隋太常寺有治禮郎十六人其後改為奉禮郎又置贊者十二人煬帝減奉禮郎置六人皇朝武德中為治禮郎置四人永徽之後改為奉禮郎開元二十三年減二人掌師贊者以供其事

太祝掌出納神主于太廟之九室而奉享薦禘祫之儀凡國有大祭祀盥則奉匱既盥則奉巾悅凡郊廟之祝板先進取署乃送祠所將事則跪讀祝文以信于神禮

成而焚之凡大祭祀卿省牲則循牲而告克

禮告訖牽牲以授太

官既享則以牲之毛血置之於豆而尊馬饌入而徹之既享則酌上樽之福酒且減胙肉加之於俎以贊祭酒歸胙之禮又奉玉帛之簠及牲首之俎俟禮成行焚瘞之儀也凡祭天及日月星辰之

玉帛則焚之祭地及社稷山嶽則瘞之海瀆則沈之

奉禮郎掌設君臣之版位以奉朝會祭祀之禮

版位黑質赤文

天子方尺有二寸厚三寸太子方九寸厚二寸公卿已下方七寸厚一寸有半天子版位題曰皇帝位太子曰

皇太子位百官題曰某品

凡祭祀朝會設庶官之位

左

武右東西相向北方為上東方南方之使次於文官之下西方北方之使次於武官之下二王之後列於武官

之下褒聖侯叙於文官之列凡有事於神祇則設御位於壇之東南從祀公卿獻官及掌事者位於壇之內外若有事於宗廟則設位於廟庭之中宗廟之子孫列焉昭穆異位去爵從齒也

凡尊彝之制十

有四祭祀則陳之

一曰太尊二曰著尊三曰犧尊四曰象尊五曰壺尊六曰山罍七曰概尊

八曰散尊九曰山尊十曰蜃尊十一曰鷄彝十二曰鳥彝十三曰斚彝十四曰黃彝又陳勺羅匱站之位以奉其事有事於神祇則用太尊至於山罍有事於宗廟則春夏用鷄鳥之彝秋冬用黃斚之彝星之外官用概尊截鎮海濱用山尊山林川澤用蜃尊衆星及丘陵已下用散尊也

凡祭器之位簠簋為

前登鉶次之籩豆為後

簠簋籩豆之位在廟堂上俱陳側階之北每坐四簠次之以六

鉶次之以六登籩豆為後每坐凡大祭祀及朝會在位異之皆以南為上屈陳而下也

者拜跪之節皆贊導之贊者承傳焉又設牲版之位以成省牲之儀凡春秋二仲公卿巡行諸陵則主其威儀鼓吹之節而相其禮焉

協律郎二人正八品

漢書武帝時李延年善新聲以為協律郎都尉後漢亦有之至魏武帝

平荆州得杜夔能識舊樂章以為協律郎都尉晉改為協律校尉宋齊亦有其官梁太常屬官有協律校尉後魏有協律郎太和初協律中郎從四品下協律郎從五品上至二十年協律正八品下北齊太常屬官有協律郎二人隋太常寺協律郎二人皇朝因之

協律郎掌和六律六呂以辨四時之氣八風五音之節

陽為六律所以統氣類物仲冬為黃鍾孟春為太簇季春為姑洗仲夏為蕤賓孟秋為夷則季秋為無射陰為六呂所以旅陽宣氣季冬為大呂仲春為夾鍾孟夏為仲呂季夏為林鍾仲秋為南呂孟冬為應鍾凡律管之數起於九以九相乘八十一以為宮三分去一五十四以為徵三分益一七十二以為商三分去一四十八以為羽三分益一六十四以為角黃鍾為宮太簇為商姑洗為角林鍾為徵南呂為羽還相為宮以生其聲焉凡

太樂鼓吹教樂則監試為之課限

太樂署教教雅樂大
曲三十日成小曲二

十日清樂大曲六十日大文曲三十日小曲十日燕樂
西涼龜茲疎勒安國天竺高昌大曲各三十日次曲各
二十日小曲各十日高麗康國一曲鼓次署柁鼓一曲
十二日三十日大鼓一曲十日長鳴三聲十日鏡鼓一
曲五十日歌簫茄一曲各三十日大橫吹一曲六十日
節鼓一曲二十日笛簫箏篳篥桃皮箏篳一曲各二十
日小鼓一曲十日中午鳴三聲十日羽葆鼓一曲三十日
鐃于一曲五日歌簫茄一曲各三十日小橫吹一曲六
十日簫笛箏篳桃皮箏
第一曲各三十日成

凡教樂淫聲過聲凶聲慢聲皆

禁之

淫聲若鄭衛者過聲失哀樂之節凶聲亡
國之聲音若桑間濮上者慢聲不恭者也

使陽而

不敢散陰而不敢集剛氣不怒柔氣不懾暢於中發於

外以應天地之和若大祭祀饗燕奏樂于庭則升堂執麾以為之節制舉麾鼓祝而後樂作偃麾戛鼓而後止

兩京郊社署令各一人從七品下

周人建國左宗廟右社稷祭天於南郊之

圜丘就陽位也祭地於北郊之方壇就陰位也故有典祀中士二人下士四人以時而祭則徵役于司隸帥其屬而脩除之秦漢奉常屬官有太祝令丞景帝改為祠祀武帝更曰廟祀後漢祠祀屬少府魏晉有太祝令丞宋有明堂令丞掌宗祀五帝之事齊有太祝及明堂令梁太常卿統明堂太社等令丞北齊太廟令丞兼領郊祠崇虛二屬丞郊祀掌五郊瘞神崇虛掌五嶽四瀆神祠後周有司郎上士一人中士一人又有司社中士一人下士一人隋太常統郊社署令又署門僕齋郎皇朝因之

丞一人從八品上

隋置皇
朝因之

門僕八人

隋有
二人

齋郎一百一十人

後魏祀官齋郎九品中隋
郊社署有齋郎一百人

郊社令掌五郊社稷明堂之位祠祀祈禱之禮丞為之
貳凡大祭祀則設神坐於壇上而別其位上帝之神席
以藁秸衆神席以莞升中于太山則藉以三脊之茅與
奉禮設尊罍籩簠之具太官令實之凡有事於百神則
立燎壇而先積柴焉

大祀燎壇方一丈高丈有二尺中
祀方八尺其高一丈下祀方五尺

高如
其方

凡有合朔之變則置五兵於太社矛居東戟居南

鉞在西稍在北巡察四門立殯於壇四隅朱絲縈之以
候變過時而罷之

獻陵昭陵乾陵定陵橋陵恭陵署令各一人從五品

周禮

有冢人下大夫二人中士四人掌公墓之地辨其兆域
先王之葬居中以昭穆為左右至漢奉常管諸陵縣諸
陵亦各有丞令至元帝元光元年分穆陵邑屬三輔後
漢光帝陵令每令各一人秩六百石每陵所皆置萬戶
晉太常統陵令丞主簿錄事戶曹史禁備史各一人侍
一人凡吏四人卒一人宋太常統陵令齊職儀每陵令
一人品第七秩四百石銅印墨綬進賢一梁冠絳朝服
舊用三品勳位孝建三年改為二品梁太常統陵監其

後改為令班第二品正第九陳承梁制秩六百石北齊太常寺亦統諸陵令丞後周守陵每陵上士一人隋令諸署每陵令一人皇朝因之開元二十五年諸陵廟隸宗正寺

丞一人從七品下

漢魏晉諸陵並有丞宋齊梁陳並有陵令無丞北齊有丞隋諸陵丞各一

人有主衣主輦主藥等員皇朝因之

錄事一人

皇朝置

陵戶

乾陵橋陵昭陵各四百人獻陵定陵恭陵各三百人

陵令掌先帝山陵率戶守衛之事丞為之貳凡朔望元

正冬至寒食皆修享於諸陵若橋陵則曰獻羞焉凡功

臣密戚諸陪陵葬者聽之以文武分為左右而列

墳高四丈

已下三大已上

若父祖陪陵子孫從葬者亦如之

若宮人陪葬則陵戶為之

成墳凡諸陵皆置留守領甲士與陵令相左右北域內禁人無得葬埋古墳則不毀

永康興寧二陵署令各一人從七品下

丞一人從八品下

陵令掌山陵營兆之事率其戶而守陵焉

兵仗並皆給之

丞為

之貳

隱章懷懿德節愍惠莊文惠宣七太子陵署各令一人

從八品下

按漢武帝戾太子園有官吏自後不見並皇朝置之

丞一人從九品下

太子陵令丞皆掌陵園守衛

諸太子廟令各一人從八品上

丞一人正九品下

有後則官為置廟子孫自主其祭無後者以近族人為主緣祭樂饌並官

之供

太子廟令丞皆掌灑掃開闔之節四時享祭之禮

太樂署令一人從七品下

周禮太司樂中大夫二人樂師下大夫四人掌成均之法

以樂舞教國子雲門大卷大咸大韶大夏大濩大武之舞樂師掌國學之政教國子帔舞羽舞皇舞旄舞干舞人舞之節又有太師下大夫二人掌六律六呂以合陰陽之聲至秦漢奉常屬官有太樂令丞又少府屬官有樂府令丞後漢太常樂令一人六百石魏復為太樂令丞黃初中以杜夔為之使正雅樂時散騎侍郎鄧靜善詠雅樂歌師且胡能習宗祀之曲舞師馮肅曉知前代諸調夔與創定遷協律都尉至晉元帝并太樂於鼓吹宋太常有太樂令丞齊因之品第七四百石銅印墨綬進賢一梁冠絳朝服梁太常屬官有太樂令班第一品從九又別領清商丞太樂有庫丞與清商丞並三品勳位陳因之後魏太和十五年置太樂官有太樂博士六品下北齊太常寺有太樂令丞後周有司樂上士中士隋太常寺統太樂令丞二人皇朝因之開元二十三年各減一人

丞一人從八品下

歷代皆有一人隋置二人皇朝因之開元二十三年減一人

樂正八人從九品下

後周依周官置樂師上士一人中士一人隋太樂署有樂師八人清

商有樂師二人至煬帝改曰正加置十人蓋採古樂正子春而名官皇朝因之

典事八人

流外番官

文武二舞郎一百四十人

周禮舞師主舞者十有六人旋人主舞者眾寡無數漢太

常樂令有八佾舞三百八十人隋太常樂署有舞郎三百

太樂令掌教樂人調合鍾律以供邦國之祭祀饗燕丞為之貳凡天子宮縣太子軒縣宮縣之樂鍾鍾十二編

鍾十二編磬十二凡三十有六簾

宗廟與殿庭同郊丘社則二十簾而別去

編鍾磬各

二簾也

東方西方磬簾起北鍾簾次之南方北方磬

簾起西鍾簾次之鍾鐘在編縣之間各依辰位四隅建

鼓左祝右故又設笙竽笛簫篪塤繫于編鐘之下隅歌

琴瑟箏筑繫于編磬之下其在殿庭前則加鼓吹十二

按於建鼓之外羽葆之鼓大鼓金鐃歌簫笳置於其上

焉又設登歌鐘磬節鼓琴瑟箏筑於堂上笙簫和簫篪

塤於堂下

宮縣登歌工人皆介憤朱連裳竿帶烏皮履鼓人及塤下工人皆武弁朱襦衣竿帶烏皮

履若在殿庭加白練襪襠白布襪鼓吹按工人亦如之也軒縣之樂去其南面鐃鐘

編鍾編磬各三凡九簋設於辰丑申之位三建鼓亦如

之餘如宮縣之制凡宮縣軒縣之作則奏二舞以為衆

樂之容一曰文舞二曰武舞宮縣之舞八佾軒縣之舞

六佾文舞之制左執籥右執翟二人執蠹以引之

文舞六十

四人供郊廟服委貌冠玄絲布大袖白練領標白紗中單絳領玄絲布大口袴革帶烏皮履白布襪其執蠹人

衣冠各同也

武舞之制左執干右執戚二人執旌居前二人

執鼗鼓二人執鐸四人持金鐃二人奏之二人執鐃以

欽定四庫全書

唐六典
卷十四

三

次之二人執相在左二人執雅在右

武舞六十四人供郊廟服平冕餘同

文舞若供殿庭服武弁平巾幘金支緋絲布大袖緋絲布綳襦甲金飾白練褱褱錦騰蛇起梁帶豹文大口布袴烏布鞞其執旌人衣冠各同當色舞人餘同工人也 凡篋簾飾以崇牙旅蘓樹

羽宮縣則金五博山軒縣則金三博山凡樂器之飾天地之神尚赤宗廟及殿庭尚彩東宮亦赤凡中宮之樂則以大磬代鐘鼓餘如宮縣之制凡磬天地之神用石宗廟及殿庭用玉凡有事於天神用雷鼓雷鼗地神用靈鼓靈鼗宗廟及帝社用路鼓路鼗皆建于宮縣之內

凡大燕會則設十部之伎於庭以備華廟用承先之舞

諸太子廟用凱安之舞凡祭昊天上帝及五方帝大明

夜明之樂皆六成

夾鍾宮調三成黃鍾角調一成太簇徵調一成姑洗羽調一成若五郊迎

氣黃帝用黃鍾宮調青帝用姑洗角調白帝用太簇商調赤帝用林鍾徵調黑帝用南呂羽調

祭皇地祇神州社稷之樂皆八成

林鍾宮調二成太簇角二成姑洗徵二成

南宮羽二成

享宗廟之樂九成

黃鍾宮三成大呂角二成太簇徵二成應鍾羽二成

其

餘祭祀三成而已

皆用姑洗之調

凡習樂立師以教每歲考其

師之課業為上中下三等申禮部十年大校之若未成

則又五年而校之量其優劣而黜陟焉

諸無品博士隨
番少者為中第

經十五年有五上考
者授散官直本司

若職事之為師者則進退其考習

業者亦為之限既成得進為師凡樂人及音聲人應教

習皆著簿籍覈其名數而分番上下

短番散樂一千人
諸州有定額長上

散樂一百人太常自訪召闕外諸州者分為六番闕內
五番京兆府四番並一月上一下五百里外兩番併上

六番者上日教至申時
四番者上日教至午時皆教習檢察以供其事

若有故
及不任

供奉則輸資錢以
充伎衣樂器之用

鼓吹署令一人從七品下

周禮鼓人中士六人掌六鼓
四金之音所謂雷鼓靈鼓路

鼓鼗鼓鑿鼓晉鼓金鐸和鼓金鐃節鼓金鏡止鼓金鐸
通鼓崔豹古今注云漢代鼓角橫吹者始張騫使西域
得摩訶兜勒一曲其後李延年因之立為二十八解若
龍頭折楊柳赤之陽黃鵠覃子望行人出關入關出塞
入塞之曲是也其短簫鏡吹者雜出漢代多戰陣之聲
若思悲翁艾如張上之回戰城南樹上郎玄雲朱鸞之
曲是也後漢少府屬官有承華令典黃門鼓吹百三十
五人百戲師二十七人晉遂置鼓吹令丞屬太常元帝
省大樂并于鼓吹哀帝又省鼓吹而存太樂宋齊並無
其官至梁太常卿統鼓吹令丞及清商署陳因之後魏
闕文北齊太常領鼓吹令丞掌百戲鼓吹樂人等事又
兼黃戶局掌供樂人衣服等太樂又領清商部隋太常
寺統鼓吹清商二令丞各二人皇朝因省
清商并于鼓吹開元二十三年減一人

丞一人從八品下

隋置二人皇朝因之開
元二十三年減一人

樂正四人從九品下

其說已具太樂樂正下隋清商署樂師二人煬帝改為樂正也

鼓吹令掌鼓吹施用調習之節以備鹵簿之儀丞為之

貳凡大駕行幸鹵簿則分前後二部以統之

前部柷鼓十二夾金

鉦十二次大鼓一百二十次長鳴一百二十次鏡鼓十

二夾歌蕭笳各二十四次大橫吹一百二十節鼓二夾

笛簫臧篥笳桃皮臧篥二十四次桐鼓十二夾金鉦十

二次小鼓一百二十次中鳴一百二十次羽葆鼓十二

夾歌蕭笳各二十四後部羽葆鼓十二夾歌蕭笳各二

十四次鏡鼓十二夾歌蕭笳各二十四次小橫吹一百

二十夾笛簫臧篥笳桃皮臧篥各二十四大駕鼓吹並

朱漆畫大鼓小鼓加金錫羽葆鼓鏡節鼓皆五綵重蓋

其羽葆鼓仍飾以羽葆長鳴中鳴大小橫吹五綵衣幘

緋掌畫蛟龍五綵脚大角幘亦如之大鼓長鳴大橫吹

節鼓及橫吹後笛簫臧篥等工人服皆緋地簪文袍袴
及帽金鉦桐鼓小鼓中鳴小橫吹及橫吹後笛簫臧篥
笳桃皮臧篥等工人服並青地簪文袍袴及帽羽葆鏡
鼓及歌簫笳工人服並武弁朱襴衣革帶大角二人平
巾幘緋衫白布大口袴其鼓吹主師
服與大角同以下主師服亦准此也 法駕則三分減一

小駕則減大駕之半皇太后皇后出則如小駕之制凡

皇太子鼓吹亦有前後二部

前部則桐鼓金鉦各二次
大鼓三十六次長鳴三十

六鏡鼓二簫笳各六次桐鼓金鉦各二次小鼓一十六
次中鳴三十六後部則鏡吹一部鏡鼓二夾簫笳各六
橫吹一部橫吹十節鼓一夾笛臧篥簫笳各五大鼓小
鼓無金鉦羽葆長鳴中鳴大橫吹五綠衣幘緋掌畫躡
豹五綠脚親王已下亦各有差
親王鼓吹桐鼓金鉦各
一次大鼓十八次長鳴

十八次擗鼓金鉦各一次小鼓十中鳴十後部鏡吹一
部鏡鼓一夾蕭笳各四次橫吹一部橫吹六節鼓一夾
笛蕭威篳篥各四第一品鼓吹擗鼓金鉦各一大鼓十
六長鳴十六鏡吹一部鏡一蕭笳各四橫吹一部橫吹
六節鼓一笛蕭威篳各四二品鼓吹擗鼓金鉦各一大
鼓十四鏡吹一部鏡一蕭笳各四橫吹一部橫吹六節
鼓一笛蕭威篳各四三品鼓吹擗鼓金鉦各一大鼓十
四鏡吹一部鏡一蕭笳各二橫吹一部橫吹四笛蕭威
篳各一三品鼓吹減二品大鼓之四橫吹之二四品
鼓吹又減大鼓之二而去其橫吹一品已下三品已上
鼓吹並朱漆鏡及節鼓長鳴大橫吹五綵衣幡緋掌畫
蹲豹五綵脚大角幡亦如之其大鼓長鳴大笛橫吹節
鼓及橫吹後笛蕭威篳等工人服緋細帽赤布袴褶
金鉦擗鼓工人服青細帽青布袴褶鏡鼓蕭笳工人服
武弁朱襦衣革帶大角工人服平巾幘緋衫白布大口
袴四品鏡鼓及蕭笳工人衣服同三品餘鼓皆綠沈金

鉦捆鼓大鼓工人服青紬帽青布袴褶凡鉦鼓並列于道左鼓右鉦大駕之鉦鼓皆加八角紫織皇太子之鉦鼓加六角紫織王公已降加四角青織

凡大駕行幸有夜警晨嚴之制

大駕

夜警十二曲中警七曲晨嚴三通里太子夜警九曲公卿已下夜警七曲晨嚴並三通夜警衆一曲轉次而振晨嚴之曲第一曰元騎合選第二曰元騎他因夜第三曰元騎跋至慮凡大駕鹵簿一千八百三十八人分爲二十四隊列爲二百一十四行小駕鹵簿一千五百人分爲二十四隊列爲一百二十行東宮鹵簿六百二十四人分爲九隊

列爲三十一行

凡合朔之變則帥工人設五鼓於太社

執麾旒於四門之塾置龍牀焉有變則舉麾擊鼓齊發

變復而止馬射則設捆鼓金鉦施龍牀而偶作焉

二人聲作

著舊文
袍袴褶

大儺則帥鼓角以助侏子之唱

唐禮鼓角十人為一隊

太醫署令二人從七品下

周禮有醫師上士下士秦少府屬官有太醫令丞無員多

至數十人後漢又有藥丞一人魏因之晉氏宗正屬官有太醫令丞銅印墨綬進賢一梁冠絳朝服品第七過江省宗正而太醫以給門下省宋齊太醫令丞隸侍中梁門下省有太醫令丞令班第十一丞為三品勳位陳因之魏有太醫博士助教北齊太常寺統太醫令丞後周有太醫下大夫小醫上士隋太常寺統太醫署丞令有主藥醫師藥園師按摩呪禁博士煬帝又置醫監五人醫正十人皇朝因之

丞二人從八品下

秦漢以來皆有丞一人至隋又置二人皇朝因而不改

醫監四人從八品下醫正八人從九品下

後周有醫正上士中士下

士隋煬帝置醫監五員醫正十員皇朝減之隋又有藥園師藥生等皇朝因之

醫師二十人醫工一百人

周禮有醫師上士下士漢有醫工長第五倫補為淮陽王

醫工長是也隋太醫有師二百人皇朝置二十人醫工一百人

醫生四十人典學二人

後周醫正有醫生三百人隋太醫有生一百二十人皇朝置四

十人貞觀後置典學二人

太醫令掌諸醫療之法丞為之貳其屬有四曰醫師鍼師按摩師咒禁師皆有博士以教之其考試登用如國

子監之法

諸醫鍼生讀本草者即令識藥形而知藥性讀明堂者即令驗圖識其孔穴讀脉訣者即

令通相診候使知四時浮沈澁滑之狀讀素問黃帝鍼經甲乙脉經皆使精熟博士月一試太醫令丞李一試太常丞平終總試若業術過於見任官者即聽補皆其在學九年無成者退從本色凡醫師醫正

醫工療人疾病以其痊多少而書之以為考課

每歲常合傷寒

時氣癘痢傷中金瘡之藥以備人之疾病者

藥園師以時種蒔收採諸藥

京師

置藥園一所擇良田三頃取庶人十六已上二十已下充藥園生業成補藥師

凡藥有陰陽配

合子母兄弟根葉花實草石骨肉之異及有毒無毒陰

乾曝乾採造時月皆分別焉

凡藥八百五十種三百六十神農本草經一百八十二

名醫別錄一百一十四新修本草新附一百九十四有名無用

皆辨其所出州土每歲

貯納擇其良者而進焉

醫博士一人正八品上助教一人從九品上

晉代以上手醫子弟

代習者令助教部教之宋元嘉二十年太醫令秦承祖奏置醫學以廣教授至三十年省後魏有太醫博士助教隋太醫有博士二人掌醫皇朝武德中博士一人助教二人貞觀中減置一人又置醫師醫工佐之掌教醫

生

醫博士掌以醫術教授諸生習本草甲乙脉經分而為業一曰體療二曰瘡腫三曰少小四曰耳目口齒五曰

角法

諸醫生既讀諸經乃分業教習率二十人以十一人學體療三人學瘡腫三人學少小二人學耳目

口齒一人學角法體療者七年成少小及瘡腫五年耳目口齒之疾并角法二年成

鍼博士一人從八品上鍼助教一人九品下

置鍼師鍼

工佐之以教鍼生也

鍼博士掌教鍼生以經脉孔穴使識浮沉澁滑之候又

以九鍼為補瀉之法

一曰鑱鍼取法於布鍼長一寸六分大其頭銳其末令不得深入主

熱在皮膚者二曰圓鍼取法於絮鍼長一寸六分主療分間氣三曰鍤鍼取法於黍粟之銳長二寸半主邪氣出入四曰鋒鍼取法於絮鍼長一寸六分主決癰出血五曰劍鍼取法於劍令其末如劍鋒廣二分半長四寸主決大癰腫六曰圓利鍼取法於釐直圓銳長一寸六分主取四支癰暴痺七日毫鍼取法於毫毛長

一寸六分主寒熱痺在脇者八曰長鍼取法於纂鍼長七寸主取深邪遠痺九曰大鍼取法於鋒長四寸主取大氣不出關節凡此九鍼以法九州九野之分九鍼之形及所主疾病畢矣

凡鍼疾先察五

臟有餘不足而補瀉之

人心藏神肺藏氣肝藏血脾藏肉腎藏志內連骨髓外通津液

以成四支九竅十六節三百六十五部必先知其病之所在

凡鍼生習業者教之如

醫生之法

鍼生習素問黃帝鍼經明堂脉訣兼習流注經側等圖亦爲神鍼等經業成者試素問四

條黃帝鍼經明堂脉訣各二條

按摩博士一人從九品下

崔寔政論云熊經鳥伸延年之術故華陀有六禽之戲魏

文有五槌之鍛仙經云戶樞不朽流水不腐謂欲使骨節調利血脉宣通即其事也隋太醫有按摩博士二十

人皇朝因之貞觀中減置一人又置按摩師按摩工佐之教按摩生也

按摩師四人按摩工十六人

隋太醫有按摩師一百二十人無按摩工皇朝置之

按摩生十五人

隋太醫有按摩生一百人皇朝武德中置三十人貞觀中減置十五人也

按摩博士掌教按摩生以消息導引之法以除人八疾
一曰風二曰寒三曰暑四曰濕五曰飢六曰飽七曰勞
八曰逸凡人支節府藏積而疾生導而宣之使內疾不
留外邪不入若損傷折跌者以法正之

咒禁博士一人從九品下

隋太醫有咒禁博士一人人皇朝因之又置咒禁師咒禁工

以佐之教
呪禁生也

呪禁博士掌教呪禁生以呪禁拔除邪魅之為厲者

有道

禁出於山居方術之士有禁呪出於釋氏以五法神之一曰存思二曰禹步三曰營目四曰掌決五曰手印皆先禁食葷血齋戒於壇場以受焉

太卜署令一人從八品下

周禮有太卜下大夫卜師上士掌方兆功兆義兆弓兆之

法有龜八中士掌六龜之屬主天子卜筮之事秦漢奉常屬官有太卜令丞武帝置太卜博士後漢并於太史又靈臺待詔員有龜卜三人易筮二人魏晉宋齊梁陳無其職後魏有太卜博士從七品下北齊太常有太卜丞後周有太卜下大夫小卜上士及又有龜占中士隋太常寺有太卜令丞皇朝因之

丞二人正九品下

隋有一人皇朝加置一人

卜正二人從九品下

隋煬帝省太卜博士置太卜十人卜正二十人皇朝減置二人

卜師二十人

隋置皇朝因之

巫師十五人

周禮有男巫女巫無數其師中士巫能制神之處位次主者隋太卜署有男巫十六

人女巫八人

卜博士二人從九品下助教二人

隋有太卜博士助教皇朝因之

卜筮生四十五人

隋有卜生四十人筮生三十人

太卜令掌卜筮之法以占邦家動用之事丞為之貳一

曰龜二曰兆三曰易四曰式凡龜占辨龜之九類五色

依四時而用之

一曰石龜二曰泉龜三曰蔡龜四曰江龜五曰洛龜六曰海龜七曰河龜八曰

淮龜九曰旱龜春用青靈夏用赤靈秋用白靈冬用黑靈四季之月用黃靈龜上員象天下方法地甲有十三文以象十二月一文象閏邊下甲有二十八匡法二十八宿骨有六間法六府匡有八間法八卦文有十二柱法十二時故象天地辨萬物者矣欲知龜神骨白如銀欲知龜聖千里徑正欲知龜志有龜十字分四時所灼之體而用之春灼後左足夏灼前左足秋灼前右足冬灼後右足

凡兆以千里徑為

母兩翼為外正立為木正橫為土內高為金外高為火細長芒動為水兆有仰伏倚著落起發摧折斷動之狀

而知其吉凶又視五行十二氣

一曰受氣二曰胎三曰養四曰生五曰沐浴六

曰冠帶七曰臨官八曰王九曰老十曰病十一曰死十二曰葬以占之

凡五兆之策三十

有六

用三十六筭六變而成卦一變為兆再變成卦二為甲乙三為丙丁四為戊己五為庚辛六為壬癸

其用五行相生相尅相扶相抑大抵與氣同占

凡易之策四十有九

用四十九筭分而揲

之其變有四一曰單爻二曰拆爻三曰交爻四曰重爻凡十八變而成卦又視卦之八氣王相因死胎沒休廢及飛伏世應而使焉凡八純之卦十六變而復初為一變次曰二變三曰三變四曰四變五曰五變六為游魂七為外戒八為內戒九為歸魂十為絕命十一為血脉十二為肌肉十三為體骨十四為棺槨十五為冢墓凡內卦為貞朝占用之外卦為悔暮占用之

凡式占辨三式之同異

一曰雷公式二曰太

乙式並禁私家畜三日
六壬式士庶通用之

凡用式之法

周禮太史抱天時
與太師同車鄭司

農云抱式以知天時也今其局以楓木為天棗心為地
刻十二辰下布十二辰以加占為常以月將加卜時視
日辰陰陽以立四課一曰日之陽二曰日之陰三曰辰
之陽四曰辰之陰四課之中察其五行取相尅者三傳
為用又辨十二將十二月神十二將以天一為首前一
曰騰蛇二朱雀三六合四勾陳五青龍後一日天后二
太陰三玄武四太常五白獸六天空前盡於五後盡於
六天一立中為十二將又有十二月之神正月登明二
月天魁三月從魁四月傳送五月小吉六月勝光七月
太卜八月天閏九月太衝十月功曹十一月大吉十二
月神后凡陰陽雜占吉凶悔吝其類有九決萬民之猶
豫一曰嫁娶二曰生產三曰歷注四曰屋宅五曰祿命
六曰拜官七曰祠祭
八曰發病九曰殯葬

凡歷注之用六

一曰大會二曰小
會三曰雜會四曰

藏會五曰除建六曰人神

凡祿命之義六

一曰祿二曰命三曰驛馬四曰納音五曰涇河六曰

月之宿也

皆辨其象數通其消息所以定吉凶焉凡國有祭

祀則率卜正占者卜日於太廟南門之外命龜既灼而

占之

命龜曰假爾泰龜有常乃授卜正作龜與衆占之乃告太常卿曰某日從乃徹龜也

先卜上

旬不吉次卜中旬下旬若卜國之大事亦如卜日之儀

凡歲季冬之晦帥侂子入于宮中堂贈大儼天子六隊

太子二隊

周禮男巫冬堂贈無方無筭鄭立云贈送也歲終以禮送不祥其行必由堂始巫與神通

言東則東西則西可近則近可遠則遠無常數大儼禮選人年十二已上十六已下為侂子著假面衣赤布袴

褶二十四人一隊
六人作一行也

方相氏右執戈左執楯而導之

一人為方

相氏著假面黃金四目蒙熊皮玄衣朱裳

唱十二神以逐惡鬼

甲作食舛肺胃食虎惟伯

食魅騰簡食不祥攬諸食咎伯奇食夢彊梁祖明共食磔死寄生委隨食觀錯斷食巨窮奇騰根共食蠱儺

者既出乃磔雄於宮門及城之四門以祭焉

廩犧署令一人從八品下

周禮牧人下士掌牧六牲以供祭祀秦漢內史左馮翊屬

官有廩犧令丞尉後屬大司農後漢河南尹屬官有廩犧令丞魏晉因之宋齊亦有令丞齊職儀令品第七秩四百石銅印墨綬進賢一梁冠絳朝服今用三品勳位梁太常卿統廩犧令丞為三品勳位陳因之後魏令從五品下北齊太常寺屬官有廩犧令丞隋及皇朝因之

丞一人正九品上

隋置二人皇朝因之開元二十三年減一人

廩犧令掌薦犧牲及粢盛之事丞為之貳凡三祀之牲

牢各有名數

昊天上帝之牲以蒼犢皇地祇之牲以黃犢神州之牲以黝犢五帝之牲各以方色

犢大明青牲夜明白牲宗廟社稷嶽鎮海瀆先農先蚕前代帝王孔宣父齊太公廟等皆以太牢風師雨師靈星司中司命司人司祿及五龍祠司永諸太子廟皆以少牢其餘則以特牲凡冬至園丘加羊豕各九夏至方丘羊豕各五五郊迎氣羊豕各二蜡祭神農伊耆已下方別各用少牢

凡大祀養牲在滌

九旬中祀三旬小祀一旬其牲方色難備者以純色代

之凡告祈之牲不養凡祭祀之犧牲不得捶扑傷損死

則埋之病則易之凡藉田所收九穀納于神倉以供粢
盛及五齊三酒之用若有餘及穰藁供飼犧牲焉凡供
別祀用太牢者則三牲加酒脯及醢犢羊猪各一酒二
斗脯四段醢四合
凡大祭祀則與太祝以牲就勝位太常卿省牲則北面
告臚乃牽牲以授太官而用之

汾祠署令一人從七品下

丞一人從八品上

並開元二
十一年置


汾祠令丞掌神祀享祭灑掃之制

兩京齊太公廟署令各一人從七品下

丞各一人從八品上

並開元十八年置

太公廟令丞掌門闔灑掃及春秋二仲釋奠之禮



唐六典卷十四

欽定四庫全書

史部

唐六典卷十五至
七

詳校官監察御史臣劉芬

編修臣程嘉謨覆勘

總校官庶吉士臣倉聖脉

校對官檢討臣龔大萬

謄錄監生臣胡金石

欽定四庫全書

唐六典卷十五

唐 張九齡等 撰

光祿寺

光祿寺

卿一人

少卿二人

丞二人

主簿二人

錄事二人

府十一人

史二十一人

亭長六人

掌固六人

太官署

令二人

丞四人

府四人

史八人

監膳十人

監膳史十五人

供膳二千四百人

掌固四人

珍羞署

令一人

丞二人

府三人

史六人

典事八人

錫匠五人

掌固四人

良醞署

令二人

丞二人

府三人

史六人

監事掌醞二十人

掌匠十三人

奉解一百二十人

掌固四人

掌醞署

令一人

丞二人

府二人

史四人

主醢十人

醬匠二十三人

酢匠十二人

鼓匠十二人

趙醢匠八人

掌固四人

光祿寺卿一人從三品

漢書百官表云郎中令泰官武帝太初元年更名光祿勳掌宮

殿門戶秩中二千石今雖取其名職務則別後漢兼掌郊祀三獻獻帝末又改為郎中令魏文帝黃初元年復為光祿勳晉光祿勳有署丞功曹主簿五官等員東晉哀帝興寧二年省并司徒孝武帝寧康元年復置魏晉已東無三署郎光祿勳不復居禁中宮殿門戶猶屬馬宋齊因之梁置十二卿除勳字光祿卿為冬卿班第十

一陳因梁後魏光祿卿從第一品下太和二十二年重次職令九卿並第三品北齊光祿寺置卿掌諸膳食帳幕器物有藏隋光祿寺置卿少卿丞主簿錄事等員統太官有藏良醢等署令丞開皇三年廢光祿入司農十

二年復置煬帝即位降卿為從三品皇朝因之龍朔二年改為司宰寺正卿咸亨中復舊光宅元年改為司膳

寺卿神龍元年復舊

少卿二人從四品上

後魏太和十五年初置少卿官第三品上至二十二年降為正四品

上北齊因之隋初依北齊煬帝即位加置一人降為從四品皇朝置一人貞觀中加置二人龍朔咸亨光宅神龍並隨寺改復

光祿卿之職掌邦國酒醴膳羞之事總太官珍羞良醖掌醢四署之官屬修其儲備謹其出納少卿為之貳凡國有大祭祀則省牲饌視濯漑若三公攝祭則為之終

獻朝會燕饗則節其等差量其豐約以供焉

丞一人從六品上

漢光祿勳丞一人秩比千石魏晉因之銅印黃綬宋齊列卿丞並視朝請梁天監七年改視員

外郎陳因之後魏列卿丞從五品中太和二十二年第七品上北齊光祿寺丞一人從六品隋因之加置三人

大業五年加為從五品皇朝改為六品

主簿二人從七品上

漢官儀光祿有主簿晉令亦置主簿宋齊因之梁天監七年位不登

十八班者別置七班主簿位三班陳因之後魏開文北齊光祿寺有功曹五官主簿隋光祿寺主簿一人皇朝因之武德中正八品上貞觀之後遂改焉

錄事二人從九品上

晉令光祿勳置錄事史北齊光祿寺置錄事等員隋光祿寺錄事三

人並流外為之皇
朝置二員掌寺事

主簿掌印勾檢稽失

錄事掌受事發辰

太官署令二人從七品下

周禮有庖人外饔中士蓋其任也秦漢少府屬官太官湯

官令丞太官主膳食湯官主餅餌漢官儀太官令秩二千石桓帝延熹元年使太官令得補二千石置四丞魏氏因之晉光祿勳屬官有太官令宋侍中屬官有太官令一人齊因之梁門下省領太官陳因之後魏北齊分太官令為尚食中尚食尚食門下省領之中尚食集書省領之太官光祿卿領之尚食中尚食掌知御膳太官掌知百官之饌後周有典庖中士一人隋光祿寺統太官署令丞皇朝置令二人

丞四人從八品下

周禮庖人外饗有下士秦有太官丞漢太官二丞後漢太官丞一人三百

石又有左丞丞甘丞湯官丞果丞桓帝時太官置四丞又有左右丞魏晉宋齊並有太官丞梁有四人又有市買丞正廚丞後魏北齊有太官丞一人後周內膳有中士四人隋太官署有丞八人皇朝置四人

監膳十人從九品下

晉太官令有廚史二十四人後周內膳有主食十二人隋太官有監

膳十一人武德中太官監膳八人貞觀中加置十二人開元二十三年減二人

監膳史十五人

皇朝貞觀中置

供膳二千四百人

隋太官供膳二千人皇朝武德中置一千五百人永徽中加置二千四百

人太官令掌供膳之事丞為之貳凡祭之日則白卿詣

諸厨省牲鑊取明水於陰鑑取明火於陽燧

火以供爨水以實尊

帥宰人以鑿刀割牲取其毛血實之於豆遂烹牲焉又帥進饌者實簋簠設於饌幕之內凡冬至圜丘之祀昊天上帝籩豆各十二簋簠飩俎各一配帝亦如之五帝籩豆各去其二大明夜明又去其二內官中官籩豆各二簋簠俎各一外官衆星籩豆各一簋簠俎各一孟春祈穀之祀昊天上帝配帝五方帝如冬至之儀孟春雩祀昊天上帝配帝五方帝如祈穀之儀五帝籩豆各八

簠簋俎各一五官籩豆各二簠簋俎各一季秋享明
堂如雩祀五郊迎氣正坐配坐籩豆各十二簠簋俎
各一五星十二辰二十八宿五官籩豆各二簠簋俎各
一蜡祭大明夜明籩豆各十簠簋俎各一神農伊耆籩
豆各四簠簋俎各一五星已下凡九十八坐籩豆各二
簠簋俎各一丘陵以下凡八十五坐籩豆各一簠簋俎
各一朝日夕月籩豆各十簠簋俎各一風師雨師靈星
司中司命司人司祿籩豆各八簠簋俎各一夏至方丘

祭皇地祇籩豆各十二簋簋飩俎各一配帝亦如之神
州籩豆各四簋簋飩俎各一嶽鎮已下籩豆各二簋簋
俎各一邱陵已下籩豆各一簋簋俎各一孟冬祭神州
籩豆各十二簋簋飩俎各一配帝亦如之太社太稷籩
豆各十簋簋鉶俎各二配帝亦如之馬祖馬社先牧馬
步籩豆各八簋簋俎各一時享太廟每室籩豆各十八
簋二簋二飩三鉶三俎三七祀及配帝功臣每坐籩豆
各二簋簋俎各一

舊制籩豆十二開元十四年加籩豆各六

二帝社先農籩

豆各十簋二簋二甑三鉶三俎三配坐亦如之司寒籩
豆八簋簋俎各一五龍祠每坐籩豆各八簋簋甑鉶俎
各一釋奠于孔宣父籩豆各十簋簋各二甑鉶俎各三
配坐亦如之從祀八十六坐籩豆各二簋簋俎各一釋
奠于齊太公籩豆各十簋簋各二甑鉶俎各三配坐亦
如之凡籩之實有石鹽魚脯棗栗菱芡白餅黑餅糗餌
粉饗豆之實有俎醯醢食糝食豚胎簋簋之實有黍稷
稻粱甑實大羹鉶實肉羹

凡祭有牲者皆豚右胖體十
一前節三肩臂膈後節二肫

脇正脊一腿脊一橫脊一長脇一短脇一代凡朝會燕
脇一背二骨以並脊從前為正脇傍中為正

饗九品已上並供其膳食凡供祭祀致齋之官則依其

品秩為之差降若國子監春秋二分釋奠百官之觀禮

亦如之

左右廂南衙文武職事五品已上及員外郎供
饌百盤餘供中書門下供奉官及監察御史每

日常供具

三羊六豕之日加一羊馬行奉從官供六羊

釋奠觀禮具

五羊冬月則加造湯餅及黍臠夏月加冷

淘粉粥寒食

加餲粥正月七日三月三日加煎餅正月

十五日晦日

加餲糜五月五日加粽糗七月七日加研

餅九月九日

加餲十月一日加

凡行幸從官應供膳食

黍臠並於常食之外而加焉

亦有名數

其南北衙從官弘文崇文館史館集賢殿
書院學士及修撰校理官吏並供五品

凡宿衛當上及命婦朝參燕會者亦如之

珍羞署令一人正八品下

周禮有籩人奄一人女籩十人羹二十人掌四籩之實則

朝事之籩饋食之籩加籩羞籩之實也後漢少府屬官有甘丞主饌供果丞主果晉太官令有餽官史二人又有果官二人北齊光祿寺有藏令後周有看藏中士一人下士一人隋光祿有看藏令皇朝因之長安中改為珍羞署神龍初復為看藏署開元初又改馬領餽匠五人

丞二人正九品下

後周有看藏下士一人北齊有看藏署丞隋有看藏署丞二人武德中置一

人貞觀中加至二人長安神龍開元並隨署改復

典事八人

隋有看藏署有掌事十人武德中有典事十四人貞觀中減之

錫匠五人

置皇朝

珍羞令掌供庶羞之事丞為之貳以實籩豆陸產之品
曰榛栗脯修水物之類曰魚鹽菱芡辨其名數會其出
入以供祭祀朝會賓客之禮

良醞署令二人正八品下

周禮有酒正中士下士掌酒之政令以式法授酒材辨五

齊三酒之物又有酒人奄十人女酒三十人奚百人掌
為五齊三酒以供祭祀賓客後漢少府有湯官丞主酒
晉太官有監醞吏四人酒丞一人四百石齊職儀食官
局有酒吏一人梁有酒庫丞北齊光祿寺有清漳令丞
主造酒冬春万石夏秋半之後周有酒正中士二人下
士四人隋有良醞署令二人皇朝武德中置一人貞觀

中加至二人領掌
醞酒匠奉觶等

丞二人正九品下

隋有良醞丞四人皇朝二人

監事二人從九品下

皇朝置

掌醞二十人

隋有五

酒匠三十人

皇朝置

奉觶一百二十人

隋置一百人

良醞令之職掌供邦國祭祀五齊三酒之事永為之貳

五齊一曰汎齊二曰醴齊三曰盎齊四曰醢齊五曰沈

齊三酒一曰事酒二曰昔酒三曰清酒凡郊祀之日帥其屬以實尊鬯太尊為上實以汎齊著尊次之實以醴齊犧尊次之實以盎齊象尊次之實以醴齊壺尊次之實以沈齊山罍為下實以三酒配帝著尊為上實以沈齊犧尊次之實以醴齊象尊次之實以盎齊山罍為下實以清酒五帝日月俱以太尊實以沈齊其內官之象尊實以醴齊中官之壺尊實以沈齊外官之概尊實以清酒衆星之散尊實以昔酒齊加明水酒加玄酒各實

於上尊若享太廟供其鬱鬯之酒以實六彝若應進者

則供春暴秋清醑醕桑落等酒

今內有郢州春酒本因其州出美酒初張去奢

為刺史進其法今則取郢州人為酒匠以供御及時燕賜

掌醕署令一人從八品

周禮有醕人奄二人女醕二十人奚四十人掌四豆之實則朝

事之豆饋食之豆加豆羞豆之實也又有醕人奄二人女醕二十人奚四十人掌五簋七菹以供祭祀賓客之事齊職儀諸公府有醕倉典軍二人後周有掌醕中士一人下士十二人隋掌醕署令一人皇朝因之領主醕

醬匠酢匠鼓匠造醕等匠

丞二人從九品下

隋置皇朝因之

主醢十人

隋有掌醢十人武德中為主醢加至十四人貞觀中減焉

掌醢令掌供醢醢之屬而辨其名物丞為之貳一曰鹿醢二曰兔醢三曰羊醢四曰魚醢和其麴蘖視其多少而為之品齊凡祭神祇享宗廟用醢醢以實豆燕賓客會百官用醢醬以和羹

唐六典卷十五